



IV GOVERNO CONSTITUCIONAL SECRETARIA DE ESTADO DO CONSELHO DE MINISTROS

KOMUNIKADU IMPRENSA

Sorumutu Konsellu Ministru iha loron 6 fulan Abril tinan 2011

Konsellu Ministru hala'o sorumutu iha Kuarta-feira ne'e, iha loron 6 fulan Abril tinan 2011, iha sala Sorumutu Konsellu Ministru nian, iha Palásiu, iha Díli no analiza:

1. Parseria Públiku-Privada (PPP) iha Timor-Leste

Apresentasaun ne'e kona-ba PPP reflete empeňu forte Governu nian ne'ebé konsege halo di'ak liu servisu infra-estrutura liu husi envolvimentu boot ida husi setór privadu hodi halo finansiamento, konstrusaun no funsionamentu infra-estrutura pública hirak ne'e.

Kriasaun infra-estrutura liu husi akordu PPP nian hetan dezenvolvimentu boot tebe-tebes setór privadu nian, hodi bele kontribui ba kresimentu Produtu Internu Bruto nian (PIB) ba moris naruk Planu Estratéjiku Dezenvolvimentu nian iha tinan 2011 to'o tinan 2030.

2. Proposta lei kona-ba Primeira Alterasaun ba Lei Fundu Mina-rai nian

Lei no 9/2005, loron 3 fulan Agostu (Lei Fundu Mina-rai) determina revizaun ida, iha tinan lima hafoin liu tiha Konstituisaun Fundu Mina-rai nian.

Diploma ne'e atu hodi altera regra no prinsípiu kona-ba investimentu nian, hodi permite flexibilidade boot liu atu diversifika aplikasaun sira, hodi aumenta, iha futuru mai, hetan fila fali rezultadu husi investimentu sira, hodi defini loloos limite espozisaun ba risku. Aleinde ida ne'e, lei ne'e klarifika rekizitu sira ne'eb'e mak atu kumpri husi Governu, bainhira presiza tebe-tebes atu halo transferénsia ida ba Orsamentu Jerál Estadu nian liu tiha Rendimento sustentável Estimadu, hodi promove, Iha futuru, flexibilidade boot ida ba entidade resposável ba jestau Operasional direta Fundu nian. Nune'e mós altera ona regra nomeasaun ba membru no kompozisaun ba Komite Asesoría ba Investimentu nian.

Dokumentu importante ida ne'ebé hetan konsiderasaun durante revizaun ba Lei ida ne'ebé produz tiha ona liu husi Grupu Traballu internasional kona-ba "Fundu ba Rikeza Soberana"(Fundu Soberanu):Prinsípiu no Pratika Jerál ne'ebé Aseita, ne'ebé mak dehan mós "Prinsípiu Santiagu nian".

Prinsípiu hirak ne'e reprezenta esforsu kooperasaun internasional ida kona-ba identifikasiasaun ba práтика jestau nian ne'ebé di'ak liu fundu sira ne'e nian, liuliu, iha área sira temi kona-ba governasaun no política investimentu nian, no Governu propoin revizaun ida ne'e ba Lei Fundu Mina-rai nian tuir prinsípiu sira ne'e, atu asegura katak Timor-Leste kontinua sai exemplu ida kona-ba práтика internasional ne'ebé di'ak liu iha nível jestau fundu sira hanesan ne'e.

3. Dekretu-Lei ne'ebé kria Konsellu Kombatente Libertasaun Nasional

Diploma ida ne'e prevé estrutura ba Konsellu Kombatente Libertasaun Nasional, ne'ebé harii iha fulan Fevereiro tinan ida ne'e nian husi Parlamentu Nasional liu-husi alterasaun artigu 35 husi Estatuto Kombatente Libertasaun Nasional. Tuir artigu ida ne'e, Konsellu Kombatente Libertasaun Nasional, mak órgaun úniku ne'ebé reprezenta interesse Kombatente Libertasaun Nasional hotu-hotu nian, no "órgaun konsulta Governu nian ba asuntu hirak ne'ebé iha relasaun ho defeza interesse veteranu sira nian (...) nomós ba asuntu sira seluk ne'ebé ko'alia kona-ba kombatente sira Libertasaun Nasional nian".

Artigu ne'e define mós, katak: "estrutura Konsellu Kombatente Libertasaun Nasional nian sei define ho Dekretu-Lei, hafoin halo tiha konsulta ho organizaun sira ne'ebé reprezenta Kombatente Libertasaun Nasional sira".

4. Dekreto-Lei kona-ba Fó Lisensa ba Atividade Komersial sira

Objetivu Dekretu-Lei ida ne'e nian atu estabelese mekanizmu balun atu korrije frakeza hirak ne'ebé mosu iha setór komersiu nian, no iha tempu hanesan, bele loke dalan atu kria organizaun ida ne'ebé boot, approximasaun no konverjénsia ba tipu komersiu hotu-hotu. Nune'e, atu garante dixiplina ne'ebé boot liu iha atividade komersial sira, atu bele hatán evolusaun ne'ebé hatudu daudauk iha setór ne'e. Atu dehan de'it katak, komersiu sai hanesan elementu fundamental ba estrutura ekonomia moderna ida, tanba ninia influénsia ne'ebé boot iha estruturasau territoriál no populasionál sosiedade nian, iha kriasaun empreza no empregu sira.